

4 – PABAONG GAWAIN

4.1 – Paglilinaw

SABIHIN: Meron pa po ba kayong gustong linawin tungkol sa positibong disiplina?



Paalala sa Facilitator: Magbigay ng ilang minuto para makapagtanong ang mga magulang. Alalahaning magpasalamat sa mga magulang sa kanilang mga katanungan. Bago mo ibigay ang iyong sariling sagot, bigyan ang grupo ng pagkakataong pag-isipan ito sa pamamagitan ng pagsabi “Magandang tanong iyan! Ano po sa tingin ng iba ang pwedeng isagot o solusyon diyan?”

4.2 – Pagtakda ng Home Activity o Pabaong Gawain

SABIHIN: Salamat sa nakakatuwang usapan! Ang pabaong gawain po natin ngayong linggo ay ang pagpapatuloy ng One-on-One Time kasama ang ating anak. Laging unahin at gamitin ang pagbaling ng atensyon patungong positibong kilos upang maiwasan ang pagdidisiplina. Mag-isip din ng isang kilos na pwedeng gamitan ng konsekwensya. Pwede ring ang kilos na maisip ninyo ay ang mga kilos na ating napag-usapan ngayong araw.